

ახალი სარსაბსული

397 (5) 15 აპრილი, 2019 წ.

9 აპრილის ტრაგიკული დაღუპული 30 წელი გაივლიდა



9 აპრილის ტრაგიკული დაღუპული 30 წელი გაივლიდა. ეს დღე ქართველი ერის უახლეს ისტორიაში ყველაზე ტრაგიკული, მაგრამ ამავე დროს საამა-ყო ფურცელია. 1989 წლის 9 აპრილს, გამთენიისას, რუსთაველის გამზირზე,

მაშინდელი მთავრობის სასახლის წინ, ჯართა და ტანკებით მშვიდობიანი საპროტესტო აქცია დაარბიეს, რომლის შედეგადაც 21 უდანაშაულო ადამიანი დაიღუპა, უმეტესობა ქალები, მათ შორის იყო ხარაგაულელი ელისო ჭიპაშვილი. უდანაშაულო ადამიანების თავგანწირვამ დასაბამი მისცა საქართველოს თავისუფლებისა და სახელმწიფოებრივი დამოუკიდებლობის აღდგენის პროცესს. ამიტომ ეს დღე, არა მარტო გლოვისა და ტრაგედიის, არამედ მადლიერებისა და სოლიდარობის გამოხატვის სიმბოლოდ იქცა.

წელს, 9 აპრილს, საქართველოს მასშტაბით, მთელი დღის განმავლობაში მიმდინარეობდა ღონისძიებები სახელწოდებით „მადლობა თავისუფლებისთვის“, რომელსაც ხარაგაულის მუნიციპალიტეტიც შეუერთდა. ადგილობრივი ხელისუფლების წარმომადგენლებმა და უშუალოდ იმ დღეების მონაწილე ხარაგაულელებმა, 9 აპრილის მემორიალი ყვავილებით შეამკეს და დაღუპულთა სსოვნას პატივი მიაგეს. 21 გარდაცვლილი გმირის მემორიალურ დაფასთან მათი სულების მოსახსენიებელი პარაკლისი მამა თომამ (ლაცაბიძე) აღავლინა.

ბაზალეთში ელისო ჭიპაშვილის სახელობის ხეივანი გაშენდა

ბაზალეთის საჯარო სკოლაში 9 აპრილისადმი მიძღვნილი ღონისძიება გაიმართა. მოსწავლეებმა დამსწრე საზოგადოებას კიდევ ერთხელ შეახსენეს ის ტრაგიკული მოვლენები, რაც 30 წლის წინ თბილისში დატრიალდა. აღსაზრდელებმა დიდი სიყვარულით ისაუბრეს მათივე თანასოფელე ელისო ჭიპაშვილზე, რომელიც ამ ტრაგედიას 24 წლის ასაკში ემსხვერპლა. აღსანიშნავია, ის ფაქტიც, რომ ელისო 6 თვის ფეხმძიმე იყო. ღონისძიებას ბაზალეთის თემის მაჟორიტარი დეპუტატი ვარლამ ჭიპაშვილი, მუნიციპალიტეტის მერის მოადგილე, თემურ ჩხეიძე, მერიის კულტურის სამსახურის უფროსი ირინე ჩხეიძე და ადგილობრივი თვითმმართველობის წარმომადგენლები ესწრებოდნენ. 9 აპრილის საბედისწერო ღამეზე ისაუბრა გოჩა კოპაძემ, რომელიც ამ დღეს რუსი



ჯარისკაცების მიერ გაშვებული მსუთავი აირით მოინამლა. „ეს იყო უდიდესი ტრაგედია. მომიტინგეებს პირდაპირ თვალეში გვასხამდნენ მომნამლაგ გაზს. უნდოდათ, მთავრობის სასახლეში შევეყვანეთ და ასე რომ მომხდარიყო, მსხვერპლიც უფრო მეტი იქნებოდა. დიდი გმირობა გამოიჩინა მაშინ პოლიციამ, ბოლომდე იცავდნენ მთავრობის სასახლეს. სამინილი სანახაობა იყო ჩვენ თვალწინ, ტრაგე-

დიას უკვალოდ არ ჩაუვლია. დაღვრილ სისხლს მოჰყვა საქართველოს დამოუკიდებლობის აღდგენა და მინდა, სწორედ ამ მინაარსით მოვილოცოთ ცხრა აპრილი,“ - აღნიშნა გოჩა კოპაძემ. 9 აპრილის მნიშვნელობაზე ისაუბრეს და ვრცლად მიმოიხილეს იმდროინდელი ისტორიული ფაქტები საკრებულოს დეპუტატებმა: ვარლამ ჭიპაშვილმა, პაატა გოგოლაძემ და ბაზალეთის სკოლის დირექტორმა იზოლდა ოკრიბელაშვილმა. ღონისძიების დასასრულს, სოფელ ბაზალეთში, ელისო ჭიპაშვილის სახლის მიმდებარე ტერიტორიაზე მისივე სახელობის (ცაცხევის ხეივანი გაშენდა და ბარელიეფი დაიდგა. გმირის სახელს ატარებს ასევე, ხარაგაულში ერთ-ერთი ქუჩა. ელისომ არაჩვეულებრივი თავგანწირვისა და გმირობის მაგალითი მისცა თანამედროვეებს.

მოლითი-ფონა-ჩუმათელეთის გზის მუშაობა იწყება



შიდასახელმწიფოებრივი მნიშვნელობის ძირულა-ხარაგაული-მოლითი-ჩუმათელეთის 50კმ - იანი გზის მეორე ლოტის, მოლითი-ჩუმათელეთის 26 - კილომეტრიანი მონაკვე-

თის, მშენებლობა ამ გაზაფხულზე დაიწყება. ამის შესახებ საავტომობილო გზების დეპარტამენტის მიერ გამოცხადებულ ტენდერში გამარჯვებული კომპანია „აკორდის“ წარმომადგენლებმა ხარაგაულის მუნიციპალიტეტის მერთან, ნიკოლოზ თოფურაძესთან, ისაუბრეს. მოლითი-ფონა-ჩუმათელეთის 26 - კილომეტრიანი მონაკვეთზე, პროექტის ფარგლებში, იგეგმება ორზოლიანი, 9მ. სიგანის, ასფალტის საფარის მონყობა, 13 ხიდის მშენებლობა, სანიაღვრე არხების მონყობა და საყრდენი კედლების მშენებლობა. სამშენებლო კომპანიის წარმომადგენ-

ლები ვარაუდობენ, რომ გზის მშენებლობას ორი მიმართულებით ერთდროულად დაიწყებენ, როგორც მოლითიდან, ასევე ჩუმათელეთიდან. ხარაგაულის მერთან შეხვედრის დროს საუბარი შეეხო ასევე ადგილობრივების დასაქმებას, რასაც კომპანია აუცილებლად გაითვალისწინებს. გაცნობებთ, რომ ძირულა-ხარაგაული-მოლითი-ჩუმათელეთის 50კმ- იანი გზის პირველ ლოტზე, ძირულა-ხარაგაულის 25 კმ-იანი მონაკვეთზე, სარეაბილიტაციო სამუშაოები აქტიურად მიმდინარეობს, რომელსაც კომპანია black see group -ი ახორციელებს.

ენერჯეტიკაში ახალი საბავშვო ბაღი მიმდინარე წელს აშენდება

ხარაგაულის მუნიციპალიტეტის სოფელ ვერტყვიჭალაში ახალი საბავშვო ბაღის ასაშენებლად ფართის გამოსაყოფად მუნიციპალიტეტის მერიას საქართველოს განათლების, მეცნიერების, კულტურისა და სპორტის სამინისტროდან პასუხი მიუვიდა. როგორც წერილშია აღნიშნული, სამინისტრო თანახმაა, სოფელ ვერტყვიჭალაში საჯარო სკოლის სარგებლობაში არსებული, საგანმანათლებლო საქმიანობისთვის გამოყენებული, სასოფლო-სამეურნეო დანიშნულების 1 410 კვ.მ მიწის ნაკვეთი საკუთრებაში გადაეცეს ხარაგაულის მუნიციპალიტეტის მერიას საბავშვო ბაღის აშენების მიზნით. აღსანიშნავია, რომ სოფელ ვერტყვიჭალაში ახალ, თანამედროვე სტანდარტების შესაბამის ბაღს მუნიციპალური განვითარების ფონდი ააშენებს. ამ ეტაპზე საბავშვო ბაღის მომსახურებით 40 აღსაზრდელი სარგებლობს. მოგეხსენებათ, ცენტრალურ საავტომობილო მაგისტრალზე ავტობანის მშენებლობის მიზნით, სოფელ ვერტყვიჭალაში მოქმედი საბავშვო ბაღის ტერიტორიის გარკვეული ნაწილი ნითელ ზოლში ხვდება, თავად ბაღის შენობა კი მოძველებული და სააღმზრდელო პროცესის ნორმალურად წარმართვისთვის თითქმის შეუსაბამოა.

სარაგაულის მუნიციპალიტეტის მერიამ სოციალური პროგრამების სარჩი 26 ათასი ლარით გაზარდა

პირველ აპრილს გამართულ საკრებულოს მორიგ სხდომაზე დეპუტატებმა საბიუჯეტო ცვლილება განიხილეს. საკითხი მათ სახაზინო-საბიუჯეტო დაგეგმარების განყოფილების უფროსმა ნინო მალაქელიძემ გააცნო. სხდომაზე ფრაქციის „ძალა ერთობაშია“ თავმჯდომარე თორნიკე ავალიშვილმა მოითხოვა, განემარტათ, თუ სად წავიდა მერიისთვის ავტომობილის შესაძენად განკუთვნილი 43 ათასი ლარი. „თებერვალში მხარი არ დავუჭირეთ მერიისთვის ავტომობილის შეძენის საკითხს და შევთანხმდით, რომ ეს თანხა უფრო მნიშვნელოვანი პრობლემის მოგვარებისკენ მიმართულიყო. ახლა ეს თანხა რომ გადმოვიტანოთ სოციალურად გაჭირვებული მოქალაქეების ერთჯერადი დახმარების პროგრამაში, რა გვიღლის ხელს? ამასთან დაკავშირებით უკვე ერთი თვეა, წერილობით მივმართე მერიას,“ - განაცხადა საკრებულოს ოპოზიციონერმა დეპუტატმა. თორნიკე ავალიშვილის პოზიცია გაიზიარეს სხდომაზე მყოფმა სხვა დეპუტატებმაც და საკითხის დღის წესრიგში დამატება მოითხოვეს. როგორც სხდომაზე მერის მოადგილე თემურ ჩხეიძემ განმარტა, სოციალური მიმართულებით დაფინანსება აუცილებლად გაიზარდება. მისივე თქმით, ერთ თვეში უფრო თვალ-



საჩინო იქნება, თუ რომელი მიმართულებით არის პრიორიტეტული თანხების გაზრდა - სამედიცინო-გამოკვლევებისათვის, თუ ერთჯერადი დახმარებებისათვის. საბოლოოდ, დეპუტატები და მერიის წარმომადგენლები შეთანხმდნენ, რომ ამ ეტაპზე სოციალური პროგრამების დაფინანსება 26 ათასი ლარით გაიზარდებოდა, რომელიც სოციალურად დაუცველი ოჯახების მკურნალობისა და ერთჯერადი დახმარების ხარჯების ქვეპროგრამაში მიმართება. გარდა ამისა, ცვლილების თანახმად, 4000 ლარი მიმართა მუნიციპალიტეტის საკრებულოს შენობის რემონტისათვის; 2 800 ლარი ა(ა)იპ „დასუფთავებისა და კეთილმოწყობის გაერთიანებას“ საკანალიზაციო სისტემის გამართული ფუნქციონირებისათვის - მალაღი

წნევის ტუმბოსა და მილბის შესაძენად; 5300 ლარი ა(ა)იპ „სპორტისა და შიდა ტურიზმის ცენტრს“ წაგებული სასამართლო დავის აღსრულების ეროვნულ ბიუროში გადასახდელად; 8000 ლარი ა(ა)იპ „კულტურისა და ხელოვნების ცენტრს“ შეზღუდული შესაძლებლობების მქონე პირთათვის, კერძოდ უსინათლოთათვის, ბრაილის შრიფტით წერა-კითხვის სწავლებისა და საზოგადოებაში ინტეგრაციის ხელშეწყობისათვის; 7600 ლარი ა(ა)იპ „საზოგადოებრივი ჯანდაცვის ცენტრს“, მათ შორის, 4000 ლარი C პეპატიზე, აივინფექცია-შიდსზე და ტუბერკულოზზე ინტეგრირებული სკრინინგის უზრუნველსაყოფად და 3600 ლარი სველი ნერტილების მოსაწესრიგებლად.

თამარ მაღრაძე

სიკეთე და თავდადებები მხოლოდ იყო მისი ცხოვრების წესი...

არიან ადამიანები, რომლებიც სიკვდილის შემდეგაც განაგრძობენ სიცოცხლეს ნუთისოფელში გავლენიანი დრმა კვალით. ამის დასტურად იყო 7 აპრილს საქართველოს ტექნიკურ უნივერსიტეტში ხსოვნის საღამო, რომელიც მიეძღვნა ჩვენს თანამემამულეს, სახელგანთქა და სამაყო ბაზალეთელს გიორგი (ყორა) ნანიტაშვილს, რომელსაც ხარების საფლავი დღესასწაულზე 85 წელი შეუსრულდებოდა...



1959 წელს - საქართველოს პოლიტექნიკური ინსტიტუტი ინჟინერ-ჰიდროგეოლოგის სპეციალობით. 1953 წლიდან 1959 წლამდე იგი მუშაობდა „საქნავთობის“ კავკასიის „ნახშირგეოლოგიის“, „ჰიდროგეოლოგიის“ და მეცნიერებათა აკადემიის ხაზით.

ინსტიტუტის დამთავრების შემდეგ მუშაობს გეოლოგიურ-სადაზვერვო ნავთობის სამეცნიერო-კვლევითი ინსტიტუტის საქართველოს კომპლექსურ ლაბორატორიაში, ჯერ უმცროს, ხოლო შემდეგ უფროს მეცნიერ მუშაკად.

1964 წელს გიორგი ნანიტაშვილი

ლი ამთავრებს გროზნოს ნავთობის ინსტიტუტის ასპირანტურას და ამავე წელს იცავს საკანდიდატო დისერტაციას თემაზე: „კოლმეცნიერების მეზობური და ქვედაპლანეტური ნალექების წყლები“. მის კალამს ეკუთვნის 25 სამეცნიერო ნაშრომი. 1973 წელს მისი უმუშაო ინიციატივით ჩამოყალიბდა საქართველოს დედამიწის სიღრმული სითბოს გამოყენების სამმართველო, რომლითაც ფართო გასაქანი მიეცა რესპუბლიკაში თერმული წყლების გამოყენების საქმეს.

ამ წლების განმავლობაში მან თავი გამოიჩინა, როგორც მაღალკვალიფიციურმა და ორგანიზატორული ნიჭის მქონე სპეციალისტმა.

გვეამაყება, რომ გიორგი (ყორა) ნანიტაშვილი ჩვენი მინის მკვიდრია. მას ხომ უსაზღვროდ უყვარდა თავისი „ადგილის დედა“ თავისი ბაზალეთი და ხარაგაული. სასურველია ყველამ იცოდეს, რომ ხარაგაულში სასმელი წყლის სისტემის მოწყობა მის სახელს უკავშირდება. დიდ პროფესიულ საქმიანობას შეჭიდებულ ვაჟკაცს არასდროს რჩებოდა ყურადღების მიღმა ხარაგაული და ხარაგაულელები. მან განსაზღვრა, რომ „მარნის ჭაბურღილები“ წყალთან დაკავშირებით ბევრ პრობლემას გადაუჭრიდა ხარაგაულს. შეგახსენებთ, რომ სწორედ ამ ჭაბურღილით მა-

რადგება ეკოლოგიურად ძალზე ხარისხიანი წყლით მოსახლეობის გარკვეული ნაწილი, საბავშვო ბაღი და საავადმყოფო. ხაზგასასმელია ისიც, რომ ახალგაზრდა მეცნიერი ძალიან ბევრ სასიკეთო საქმეს ყოველგვარი ანაზღაურების გარეშე სთავაზობდა თავის რაიონს...

აქვე, სოფელ ვარძიაში, ცხოვრობს ყორა ნანიტაშვილის ერთადერთი და, დამსახურებული პედაგოგი, ვარძიელი ახალგაზრდების არაერთი თაობის აღზრდელი, კოლეგების, მეზობლებისა და აღზრდილთათვის ერთ-ერთი საყვარელი და საიმედო პიროვნება ქალბატონი ფუფუნა ნანიტაშვილი. ქალბატონი ფუფუნა 83 წლისაა, უკვე დამსახურებულ პენსიაზეა, მაგრამ მისი სული და გული კვლავ სკოლის- მომავალი თაობის ზრუნვისკენაა მიპყრობილი.

ამ წერილის ავტორთა სურვილი იყო, რომ კიდევ უფრო ახლოს გავცნობოთ დღევანდელი მემკვიდრეობის ბატონი ყორას გამორჩეულ ზნე-მალად თვისებებს.

ყორას სიკვდილმა ჩემი გული და სული წაიღო. ის მარტო მე კი არა, ოჯახს საახლობოლსა და მთელ საზოგადოებას დააკლდა. იყო მესუადრებელი მამა და მეუღლე. მის დიდ სიამოვნებას ანიჭებდა სხვათა თანადგომა. გამორჩეულად სწავლობდა სკოლაშიც, ინსტიტუტშიც და მისაბაძი იყო ყველასათვის; რომ

იტყვიან, გაუჩენეს გააჩენდა ადამიანების დასახმარებლად - ცრემლმორეული გვესაუბრება ქალბატონი ფუფუნა და თან ხელაკანკალეული გვიჩვენებს სათაყვანო ძმის ნარმატების აღმნიშვნელ რესპუბლიკური შურნალ-გაზეთების გაყვითლებულ ფურცლებს, სურათებს, უკვე რელიკვიად ქცეულ მის სხვადასხვა ნივთს...

ჩემი გოგონა ლელა რომ ცოცხალია და კარგი ოჯახის პატრონია, ეს ჩემი ყორას მადლია, - განაგრძობს ქალბატონი ფუფუნა - სწორედ მისმა გულისხმიერებამ გამოსტაცა სიკვდილს უმძიმეს მდგომარეობაში მყოფი ჩემი პატარა. ლელას სულის მეგზურად ახლავს ის სითბო, როცა საყვარელმა ბიძამ საახალწლოდ საავადმყოფოში მიუტანა ნაძვის ხე, და მოურთო უამრავი სათამაშოთი. სიკეთე და თავდადებული შრომა მისი ცხოვრების წესი იყო, რომელსაც არასდროს ღალატობდა...

დავემშვიდობეთ ქალბატონს და თან გამოგვევა სინანული გრძნობა - რა იქნებოდა არსთაგამრიგეს მტერი დრო გამოეყო ამ კარგი ქართველისათვის. რაოდენ ღრმა ფესვებს გაიდგამდა მისი კვლევები მეცნიერებაში და რამდენ სიკეთეს აზიარებდა 85 წლის ყორა ნანიტაშვილი ბაზალეთს, ხარაგაულსა და სრულიად საქართველოს!

ლელა გუგულაშვილი
მერი გომორბიძე



ხარაგაულის მუნიციპალიტეტის სოფელ წყალაფორეთში ბოლო წლების განმავლობაში მნიშვნელოვანი ინფრასტრუქტურული პროექტები განხორციელდა. მოასფალტდა ცენტრალური გზა, აშენდა ახალი საბავშვო ბაღი, მოენწყო ვარე განათება. ეს ტემპი დღესაც გრძელდება, თუმცა სოფელში პრობლემა ბევრია. მერის წარმომადგენელი წყალაფორეთის ადმინისტრაციულ ერთეულში რევაზ სხილაძე, რომელიც აღნიშნულ თანამდებობას 2014 წლიდან იკავებს ძალ-ღონეს არ იშურებს, რაც შეიძლება მეტი სიკეთე შეგვატოს სოფელს და მოქალაქეები უზრუნველყოფილი იყვნენ ელემენტარული პირობებით. მისი სურვილია, რაც შეიძლება უფრო მეტი ადამიანი დაუბრუნდეს მამაპაპისეულ კერას.

„მერის წარმომადგენლობა უდიდესი პასუხისმგებლობაა, როგორც თანასოფლელების, ასევე იმ პოლიტიკური გუნდის წინაშე, რომელმაც

ჩვენი გუნდის პრიორიტეტი სოფლის უკეთესი მომავალია...

ნდობა გამოიქცადა. 2013 წლიდან ჩართული ვარ ამ პროცესში და სრულად მაქვს გაზიარებული, რა უფლებამოსილება მაქვს. დღევანდელმა ხელისუფლებამ საკმაოდ ბევრი გააკეთა ჩვენი სოფლებისთვის. გეგმები კიდევ ბევრია, რომელთა განხორციელება დიდ ძალისხმევას მოითხოვს, მაგრამ, როცა ყველა ერთად ზრუნავს უკეთესობისთვის, დამეთანხმებით, გადაუჭრელი არაფერია. როგორც ყველა ქართველი, მეც მინდა, ძლიერ საქართველოში ვიცხოვროთ, მაგრამ სოფელი თუ არ გაძლიერდა, ეს სურვილი სურვილად დარჩება. ამიტომ გამუდმებით იმაზე ვფიქრობ, როგორ შევუწყოთ ხელი მოსახლეობას, რომ არ დატოვონ მამაპაპისეული კერა. იმისათვის, რომ ადამიანებს გაუმართვოდეთ სოფლად ცხოვრება, მნიშვნელოვანია ინფრასტრუქტურის მოწყობა. ამიტომ დღევანდელი მმართველი გუნდისთვის პრიორიტეტი, რომ გაკეთდეს მთავარი გზები, აშენდეს საბავშვო ბაღები, მოენსოვოს სასმელი წყლის სისტემები, გაზიფიცირდეს სოფლები - სწორი და მნიშვნელოვანია. წყალაფორეთი ერთ-ერთი პირველი სოფელია ხარაგაულის მუნიციპალიტეტში, სადაც 2014 წელს მოასფალტდა ცენტრალური გზა, მოენყო ვარე განათება, დაიდგა ნავის ურბები და აშენდა საბავშვო ბაღი. 2017 წელს ბეტონის საფარი დაიგო ლახუნდარის ცენტრალურ გზაზე. წელს დასრულდა

ბუდიანეთში გზის რეაბილიტაცია. ამჟამად სამუშაოები მიმდინარეობს ლახუნდარის გზის 1 - კილომეტრიან და სოფლის ჩიხის 485 - მეტრიან მონაკვეთებზე. ასევე ბეტონის საფარი უნდა დაიგოს ხონში გზის 1,5 კმ მონაკვეთზე და წყალაფორეთში, გაბეზაძეების უბანში. წელს ვეგემათე საბავშვო ბაღის მიმდებარე ტერიტორიის მობეტონებასაც.

როგორც ვიცით, განხილდა „სოფლის მხარდაჭერის პროგრამა“. რომელი პროექტებია თქვენს ადმინისტრაციულ ერთეულში პრიორიტეტული?

„სოფლის მხარდაჭერის პროგრამის“ ფარგლებში წყალაფორეთის ადმინისტრაციულ ერთეულში შემაველ სოფლებში საერთო კრებები ზუსტად ისე ჩატარდა, როგორც პროგრამით იყო გათვალისწინებული. წყალაფორეთის მოსახლეობის გადამწყვეტილებით, გამოყოფილი 12 000 ლარი სამ პროექტზე გადაინაწილდება. ეს პროექტებია: ბუდიანეთის უბანში საუბნო გზების მოწოდება, წყაროს სათავის მოწყობა გაბეზაძეების უბანში და ბეტონის სანიაღვრის მოწყობა კუდარავა-კუპრაძეების უბანში, ლახუნდარის მოსახლეობა მზათა უმრავლესობით ეკლესიისა და კავლაძეების უბანში სასმელი წყლის ჭაბურღილის გაკეთება გადაწყვიტა. ჭაბურღილის სისტემის მოწყობისათვის საჭირო მასალებს შეიძენს პატარა ვარძიის მოსახლეობა. ხონში პრიორიტეტად საუბნო გზების მოხრეშვა დასახელდა. რაც შეეხება

ჩალხაეთს, აქ 10 000 ლარით ცენტრალური გზა შეკეთდება.

პრობლემა კვლავ ბევრია სოფლებში, თუმცა ყველაფრის ერთად გაკეთება შეუძლებელია. დიდი სურვილი გვაქვს, ადმინისტრაციულ შენობასთან გავაკეთოთ მინი სტადიონი და დასასვენებელი სკვერი.

ძირითადად რა პრობლემები აწუხებს წყალაფორეთის ადმინისტრაციულ ერთეულის მოსახლეობას?

„უმთავრეს პრობლემად რჩება სოფლებში წყალმომარაგების საკითხი, რაშიც აქტიურადაა ჩართული ადგილობრივი ხელისუფლება და, ვფიქრობ, უმოკლეს ხანში დადებითად გადაიჭრება. დროულად უნდა მოხდეს წყლის მინილენა წყალაფორეთის სკოლაში და ახლოს დაწესებულებისთვის, საჯარო სკოლისთვის და ამბულატორიისთვის. აღნიშნულთან დაკავშირებით კონსულტაციები გვექონდა მუნიციპალიტეტის მერთან ბატონ ნიკოლოზ თოფურიძესთან, შესაბამისი სამსახურებთან და გადავწყვიტეთ, რომ გაკეთდეს ჭა და ცალკე წყალმომარაგების სისტემა ჰქონდეთ ამ დასახლებებს.“

მოსახლეობისთვის კვლავ პრობლემას წარმოადგენს ხე-ტყეზე მიუწვდომლობა. ვფიქრობ, უნდა შეიცვალოს კანონი და გეგმის ჰქონდეს იმის საშუალება, ელემენტარული საჭიროების მასალა გამოიტანოს ტყიდან.

რთულია სოციალური ფონიც. არიან

ოჯახები, რომლებიც ყოველგვარი შემოსავლის გარეშე ცხოვრობენ, არ აქვთ ხელფასი, პენსია, სოციალური შენეობა. ცვდილობთ, ასეთ ოჯახებს ვერცხვით დაუდგეთ და დაეხმაროთ. მინდა, რაც შეიძლება მეტი კმაყოფილი და ბედნიერი ადამიანი ცხოვრობდეს ჩვენს სოფლებში.

გვესაუბრეთ სამომავლო გეგმებზე, რის გაკეთებას აპირებთ უახლოეს წლებში?

„ჩვენი გუნდისთვის სოფლის მომავალზე ზრუნვა და ფიქრი უპირველესია და ეტაპობრივად ყველაფერი კეთდება. ნაბიჯ-ნაბიჯ, სწორი დაგეგმვით უნდა წავიდეთ წინ... მთავარია, ადამიანებს შევუქმნათ ისეთი პირობები, რომ სოფლიდან წასვლაზე აღარ იფიქრონ. სასიხარულოა, რომ ინფრასტრუქტურას დიდი ყურადღება ექცევა, რაც ერთ-ერთი გადამწყვეტი ფაქტორია სოფლად ადამიანების შეჩერების. საუბარია წყალაფორეთის ადმინისტრაციული ერთეულის სოფლების გაზიფიცირებაზეც. უკვე დაამოქმედდა კიბის თემი და დიდი იმედია, რომ მიმდებარე სოფლებშიც მალე მივა ეს სიკეთე. სოფელში განათლებული და ენერჯული ახალგაზრდები ცხოვრობენ, აქვთ საინტერესო იდეები. ვიმედოვნებ, რომ ჩვენი ურთიერთთანამშრომლობა ნაყოფიერი იქნება და ერთობლივი ძალებით ბევრი სასიკეთო საქმის გაკეთებას შევძლებთ.“

ლელა გუგულაშვილი

უბის-მორაჩნის მონაკვეთზე სარეაბილიტაციო სამუშაოები მათთვის თვეში დაიწყება



თბილისი - სენაკი - ლესელიძის ცენტრალური საავტომობილო მაგისტრალის ხევი-უბისის (F2) 12 - კილომეტრიან მონაკვეთზე ავტობანის მშენებლობის მიზნით, ტენდერში გამარჯვებულმა ჩინურმა კომპანია „Hunan Road and Bridge Construction Group-მა“ აღნიშნულ ტერიტორიაზე ბაზებისა და მინი სანარმოების განთავსება დაიწყო.

კომპანიისა და ხარაგაულის თვითმმართველობის წარმომადგენლების ერთობლივი შეხვედრა, ძირითადად, სწორედ ამ საკითხებს შეეხებოდა. ხარაგაულის მერ ნიკოლოზ თოფურიძესა და კომპანიის მენეჯერს შორის შედგა ასევე შეთანხმება, რომ გზის მშენებლობის

პროცესში მაქსიმალურად დასაქმდება ადგილობრივი მოსახლეობა. როგორც კომპანიის წარმომადგენლები ამბობენ, მათ ათეულობით მუშახელი დასჭირდებათ.

მასშტაბური პროექტის მშენებლობის დაწყებამდე მოსამზადებელ სამუშაოებს კომპანია, როგორც თავად ვარაუდობენ, 2 თვეში დაასრულებს.

ნიკოლოზ თოფურიძემ შეხვედრაზე ხაზგასმით აღნიშნა, რომ მუნიციპალიტეტისთვის სტრატეგიულად მნიშვნელოვანია ხევი-უბისის ავტობანის მშენებლობა. ხარაგაულის მერის განმარტებით, გზის რეაბილიტაციის პროცესში არაერთი პრობლემა შეიძლება წამოიჭრას, ამიტომ ადგილობრივ თვითმმართველობასა და მშენებელ კომპანიას შორის მჭიდრო კომუნიკაცია აუცილებელია. ხევი-უბისის 12 - კილომეტრიან მონაკვეთზე, რომელიც იქნება 4- ზოლიანი, 35 ახალი ხიდისა და 18 გვირაბის მშენებლობაა დაგეგმილი. პროექტის ღირებულებაა 732 296 478 ლარია.

სამუშაოები სამ წელიწადში უნდა დასრულდეს.

დაბუთდება მერიის ეკონომიკისა და ქონების მართვის სამსახურის ანგარიში მოიხმინეს



საკრებულოს სხდომაზე დეპუტატებმა მერიის ეკონომიკისა და ქონების მართვის სამსახურის შუალედური ანგარიში მოიხმინეს. საკითხი ამავე სამსახურის უფროსმა ჯაბა ბერაძემ წარადგინა. ჯაბა ბერაძემ ვრცლად ისაუბრა იმ სახსრებისა და აქტივობების შესახებ, რომლებიც უშუალოდ სამსახურის ორგანიზებით ხორციელდება. მან ყურადღება ასევე მუნიციპალიტეტის ტერიტორიაზე თვითნებურად დაკავებულ მიწაზე საკუთრების უფლების აღიარებაზე გაამახვილა და განმარტა, რომ 2018 წლის პირველი იანვრიდან 2019 წლის 20 მარტამდე კომისიაში

შესულია 1 247 განცხადება. აქედან დადებითად გადაწყდა 598, უარყოფითად კი 123, წარმოება შეწყვეტილია 42 განაცხადზე, ხოლო წარმოებაშია 500 - მდე განაცხადი.

ეკონომიკისა და ქონების მართვის სამსახურის ანგარიშის გაცნობის შემდეგ დეპუტატებმა საკუთარი პოზიციები დააფიქსირეს. მუნიციპალიტეტის ქონების მოვლა-პატრონობის ვერუზრუნველყოფაზე, დაუსრულებელ ინვენტარიზაციასა და მუნიციპალიტეტის ეკონომიკური განვითარების გეგმის არარსებობაზე ისაუბრა საფინანსო-საბიუჯეტო კომისიის

გაგრძელება ► გვ 3.

მაცოცხლებელ არცერთას ნუ გაეაყუჩრით!

ბრძენს უთქვამს - გამეორება ცოდნის დედააო. ჰოდა, ჩვენც ნუ ავარდებით თავს ამ სიბრძენს და, ნამდვილად საჭიროებიდან გამომდინარე, კიდევ ერთხელ ჩავუღრმავდეთ დიდი ილია ჭაჭაჭაძის შეგონებას (საბედნიეროდ, შეგონებაც ბევრი გვაქვს და შემგონებელიც ბევრი გვყავს, მაგრამ, ჩემი აზრით, შობლიურ ენასთან პიროვნების დამოკიდებულება - პასუხისმგებლობის საკითხზე ილიასული შეგონება მაინც უკეთესია შორის უკეთესია და ნამდვილად არ გვანყენს მისი ხშირ - ხშირად გამეორება!).

„სამი ღვთაებრივი საუნჯე დაგვრჩა ჩვენ მამა - პაპათაგან: მამული, ენა და სარწმუნოება. თუ ამასაც არ ვუბატონებთ, რა კაცები ვიქნებით, რა პასუხს გავცემთ შთამომავლობას? სხვისი არ ვიც და ჩვენ კი მშობელ მამასაც არ დავუთმობდით ჩვენ მშობლიური ენის მინასთან გასწორებას.“

ენა საღვთო რამ არის, საზოგადო საკუთრებაა, მაგას კაცი ცოდვილის ხელით არ უნდა შეეხოს.

შეგჩერდეთ შეგონების ბოლო ნაწილზე, რომ ენა არის საზოგადო და არა პირადი საკუთრება, რომ არ გვაქვს უფლება ჩვენს ნებაზე ვცვალოთ ცვალებულ სიტყვათა მნიშვნელობა - მინაარსი. ძალიან ხშირად მსმენია, უურნალ - გაზეთებშიც ამომიკითხავს და ტე-

ლეურნალისტებთან ინტერვიუში ხშირად შემხვედრია ნინადადება: „ამ პოზიციაზე დავინიშნე“, „უკვე სამი წელია, ამ პოზიციაზე ვმუშაობ“ და ა.შ. ბუნებრივია, ამ შემთხვევაში მავანი იმ სამსახურებრივ თანამდებობას ეხება, რომელზეც დანიშნეს, ან იქნა არჩეული. იქნებ ვცდები და ჩემთვის ჯერჯერობით მიუწვდომელია ენის სწავლულთა კომპეტენტური კომისიისგან დადგენილ - შეჯერებული ენობრივი ნორმები ან ახალი განმარტებითი ლექსიკონი გამოვიდა, რომელშიც სიტყვა „პოზიცია“ სხვაგვარადაა განმარტებული. (ხელთა მამაცს ქართული ენის განმარტებითი ლექსიკონის რედაქციური პროფესორ არნოლდ ჩიქობავას საერთო რედაქციით და ქართული ენის განმარტებითი ლექსიკონის ერთგომი. (1968 წ.) ამჯერადაც მთავარი რედაქტორი ან განსვენებული არნოლდ ჩიქობავაა - მშვიდობა მის სულს!).

მაშ, ასე: სიტყვა „პოზიცია“ (ლათ. მდგომარეობა) რამდენიმე მნიშვნელობითაა განმარტებული: რისამე მდგომარეობა, მდებარეობა, განლაგება (პარალელურად - სამხედრო მნიშვნელობა - ჯარის განლაგების ადგილი).

თვალსაზრისი ამა თუ იმ საკითხის შესახებ, პრინციპული დამოკიდებულება მის მიმართ; მოქმედება, ქცევა, რომელიც ამ თვალსაზრი-



სით არის გამოხატული. სხეულის მდგომარეობა, პოზა რომელიმე მოქმედების, ვარჯიშის შესრულების დროს; სიმბოლე თითების განლაგება ხემიანი საკრავის დაკვრის დროს; საწყისი მდგომარეობა ცეკვის ამა თუ იმ ილეთის შესრულების წინ; ფიგურების განლაგება ჭადრაკის ან შაშის თამაშში. (იხ. ქველ, ტ. 6, გვ. 251, საქართველოს მეცნიერთა აკადემიის გამომცემლობა, თბილისი, 1960). ისე, ძვირფასო მკითხველო,



უკვე ოთხ წელზე მეტია, რაც ერთ-ერთი ძალზე საპატივცემული ქალბატონის ე.წ. „ფეისბუქის“ გვერდზე ყოველ სისხამ დილით ჩნდება ასეთი სიტყვები: „მე თქვენ მიყვარხართ!“.

ძნელი ამოსაცნობი არაა ამ მაგიური სიტყვების ფასი ნებისმიერი ადამიანისათვის. წარმოიდგინეთ: იღვიძებთ დილით, რთავთ კომპიუტერს და ზოგიერთი ჩვენი საინფორმაციო საშუალებების მსგავსად კი არ „მოგახარებენ“ - რამდენი ავარია მოხდა წუხელ ღამით, რამდენი ადამიანი დაიღუპა, რამდენმა მიიღო მძიმე ტრავმა, რამდენი ადამიანი რეანიმაციის განყოფილებაში გადაყვანილი ხელოვნურ სუნთქვაზე, არამედ სიყვარულს გიცხადებენ, სითბოთი გაცხებენ, დადებითი ემოციით გმუხტავენ , ისეთ განწყობას გიქმნიან, რომ იგი მთელი დღე მიგყვება. სიცოცხლე გიხარია, გულით გემღერება. ფიქრობ: ღმერთო, რა კარგები არიან ადამიანები იმიტომ, რომ მათ შე უყვარვარ! რა კოსმიური ენერჯის მატარებელია სიტყვა „მიყვარხარ!“...

ჰოდა, ამ სიყვარულის გამო, ადამიანებისადმი ამ საოცარი თანადგომის, მხარდაჭერის და მეგობრობის გამო ამ მადლიერმა ხალხმა იმ ადამიანს, რომელიც ამ სიტყვებით ალვიძებს, დაახლოებით, 5 ათასამდე მის ფეისბუქელ მეგობარს, „სიყვარულის ქალბატონი“ უწოდა.

ის ქალბატონი კი, რომელიც ამ ჯადოსნური სიტყვებით ალვიძებს ქალაქს, გახლავთ იზა ვეფხვაძე - მრავალმხრივად ნიჭიერი ადამიანი - სცენარისტი, პოეტი, პუბლიცისტი, მრავალი წიგნისა

და სტატიის ავტორი, რეზო თაბუკაშვილის სახელობის სახალხო ლიტერატურული თეატრის დამაარსებელი და სამხატვრო ხელმძღვანელი, რეჟისორი და მსახიობი.

„მე თქვენ მიყვარხართ!“ ამ ახალი სპექტაკლით წარდგა თავისი საფიციური ხარაგაულის მაყურებელთა წინაშე იზა ვეფხვაძე 14 თებერვალს, „ვალენტინობას“. სამწუხაროდ, ამ წერილის ავტორს იმჯერად არ მიეცა საშუალება, რომ უშუალოდ კიდევ ერთხელ ეხილა მსახიობის გარეგნული მშვენიერება და დამტკბარიყო ამ მშვენიერებას შერწყმული მისი ღვთიური ნიჭიერებით. თუმცა გაზეთ „ახალი ხარაგაულის“ შემთხვევით, რომლის არაიშვიათი მკითხველიც ვარ, ჩემთვის ცხადი გახდა ის დიდი ემოცია, რაც ამ სპექტაკლმა გამოიწვია მაყურებელში. თუმცა ეს სინანული პოზიციური მუხტით განტვირთვა მის მიერ დედაქალაქში, მოსწავლე-ახალგაზრდობის სასახლის სცენაზე წარმოდგენილმა სპექტაკლმა, რომელიც თეატრისა და კინოს გამოჩენილი მსახიობის უნიჭიერესი იაკობ ტრიპოლსკის დაბადების 100 წლისთავს მიეძღვნა. შემთხვევითი არაა, რომ საავტორო სპექტაკლს სახელად „მოსიარულე სიკეთე“ შეურჩია. ეს უმშვენიერესი შესიტყვება ხომ „ამაყ გუდამაყურელს“ გოდერძი ჩოხელს ეკუთვნის, რომელიც ისევ და ისევ ქალბატონ იზას „იღბლიან-ბარაქაინმა“ სიტყვამ „გააცოცხლა“ ამ სამიოდე წლის წინ სპექტაკლით „ამ მინის ბედი ჩემი ბედი“.

ამ უიშვიათესი, საქართველოში ერთადერთი სახალხო ლიტერატურული თატრის ღრმამხიანარისანი რეპერტუარისა და ქალბატონ იზა ვეფხვაძის სამეცნიერო ხელოვნებისადმი ყოველთვის დიდია ინტერესი. ამჯერადაც დარბაზი კი არა, მიმდებარე დერეფანზეც კი ველარ იტედა ფეხზე მდგომ მაყურებელს.

თუ არ ვცდები, ქალბატონი იზა უკვე სამოცდახუთამდე საავტორო სპექტაკლის შემოქმედია. სცენარების შერჩევის ერთ-ერთი ძირითადი პრინციპი არის „საუკეთესოთა შორის საუკეთესო“. მაგრამ არსებობს სხვა კრიტერიუმიც, რომლის გათვალისწინებაც უნებ ქალბატონ იზას. ეს არის შერჩეული პიროვნების ეროვნულულობა, ქართველობა, ანუ რამდენად ძლიერად უძეგრს მას სამშობლოსათვის გული. რამდენად მისაბაძი და სანიმუშო გახდება მისი საქციელი მსმენელისა და მაყურებელისათვის. ამ მიდგომაში კარგად იკვეთება, თუ რა ფუნქციას აკისრებს ქალბატონი იზა თავის სპექტაკლებს. ეს , გარდა საგანმანათლებლო და შემეცნებითი ფუნქციისა, არის აღმზრდელი ფუნქცია. კერძოდ, კი პატ-

მიძღვება არც ვენდოთ, ეს ლექსიკონები ხომ „ნითელი პროფესორების“, ან უკეთუ „ჩარეცხილი პროფესორების“ გამოცემულია! ნება თქვენია!

უამრავთაგან კიდევ ერთი მარგალიტ - განაცხადი მინდა, შემოგთავაზოთ: კამათში არ შევიდვარ! („რა გითხრათ, რით გაგახაროთ?“ რა გირჩიოთ? ნუ შეხვალთ, ბატონებო, კამათში, იქ ათასგვარი უსიამოვნება და თავსატეხი შეგხვდებათ... შედით (შებრძანდით) რესტორანში, კინოთეატრში, კულტურის ცენტრში, ვფიქრობ, ჯანმრთელობისათვის და მეტადრე ქართული ენის სინმინდის დაცვისთვის ეს უფრო სასარგებლოა!

მინდა, ყველა ქართველსა და ქართული ენის სიტკუბოს ნაზიარებ ყველა არაქართველს ერთი მოკრძალებული თხოვნა შემოგბედოთ, ნუ დაელოდებით 14 აპრილს, ქართული ენის დღეს, რეგულარულად გავაშუქოთ პრესაშიც, ტელევიზიაშიც, ნებისმიერ შესაბამის შეკრებებზე მშობლიური ენის სიჯანსაღისათვის საჭირობოროტო საკითხები, მარტო სკოლასა და მასწავლებლებს ნუ ავკიდებთ უმძიმეს ცოდებას - რომ ქართულად სწორმეტყველება და გრამატიკული ნორმები ვერ ასწავლეს შეგარდებს... მინდა, მივმართო ჩვენს დიდ იმედს, ჩვენს მოსწავლე - ახალგაზრდობას:

„ხშირად გამოგვეხმაურეთ (არა მარტო გაკვეთილებზე!) მშობლიურ ენასთან მიმართებაში თქვენთვის საინტერესო საკითხებზე, დავიცვათ და გავუფრთხილდეთ მშობლიურ ენას. ხელოვნურად ნუ შემოვიტანთ „ახალ კანონებს“ (მხედველობაში მაქვს ასო - ბგერა „ლ-ს“ („ლანის“) მეტყველებაში ზოგიერთთაგან ამაზრზენად დარბილება. რბილი ნიშანი (МЯГКИЙ ЗНАК) რუსული ენისათვის საა უმნიშვნელოვანესი, ქართული ენის საოცრებათა კანონმდებელს - ზენაარს - ეს ჩვენი ენისათვის საჭიროდ არ მიუჩნევია (კიდევ შეგახსენებთ: „ენა საღვთო რამ არის!...“). ნუ დაგვაგინყდება, რომ ენა ცოცხალი ორგანიზმია და ესა თუ ის ენობრივ ნორმად აღიარებული სიტყვა ფორმაცვალებას ექვემდებარება, მაგრამ „თავის მშობლიურში. მაცოცხლებელ არ-ტერიას ნუ გადაუფრთხილავთ ჩვენს არ-ტემაში იის სურნელით გაჯერებულ „ხმათა ხავერდების და ღმერთების ენას!“.

გფარავდეთ უფალი და თქვენც „ჩვენი კაცობის გვირგვინს“ - მშობლიურ ქართულ ენას! მერი ბიორბიძე

სიყვარულის ჯაჭოვები („მე თქვენ მიყვარხართ!“)

ღებულება მერიის ეკონომიკისა და ქონების მართვის სამსახურის ანგარიში მოისინეს

დასაწყისი ► 83 2.

თავმჯდომარე ვარლამ ჭიპაშვილმა. მისივე თქმით, ის სამსახურის მუშაობას უარყოფითად აფასებს, რადგან ვერ მოხერხდა იმ შენიშვნების გათვალისწინება, რაც წინა ანგარიშის წარმოდგენის დროს გამოიკვეთა.

მერიის ეკონომიკისა და ქონების მართვის სამსახურის უფროსი ჯაბა ბერაძე არ დაეთანხმა დეპუტატის მოსაზრებას და ხაზგასმით განმარტა, რომ მუნიციპალიტეტში ქონების ინვენტარიზაცია დაწყებულია და ძალიან მარტივად შეუძლია ყველას მიმდინარე პროცესის ნახვა. „ეს არ არის მარტივად გასაკეთებელი პროცედურა, ჩვენ ვხელობდვართ ფინანსთა მინისტრის ბრძანებით, რომელიც საბიუჯეტო ორგანიზაციებში ინვენტარიზაციის ჩატარების წესს განსაზღვრავს, რომელშიც ასევე კონკრეტულადაა განერილი ვადები. აქედან გამომდინარე, მუნიციპალიტეტის მასშტაბით ქონების აღწერა ექვს თვეში ვერ დასრულდებოდა. მთავარია, დავინყეთ და ეს პროცესი წლის ბოლომდე

დასრულდება. აღირიცხება და დანიშნება ყველა მუნიციპალური ქონება.“ - განმარტა ჯაბა ბერაძე. რაც შეეხება ხარაგაულის ეკონომიკური განვითარების გეგმას, სამსახურის უფროსი აღნიშნავს, რომ მუშაობა ამ მიმართულებითაც დაწყებულია და მერია ჩართულია პროექტში „მერიის ეკონომიკური ზრდისთვის“, რომელიც ევროკავშირის დაფინანსებით მუნიციპალიტეტებს ეხმარება გეგმის შემუშავებაში. მიმდინარეობს ასევე შეხვედრები კერძო სექტორის წარმომადგენლებთან, ბიზნესმენებთან და სხვადასხვა ორგანიზაციისათვის.

სამსახურის საქმიანობით უკმაყოფილოა ასევე ფრაქცია „ქართული ოცნება დემოკრატიული საქართველოს“ თავმჯდომარე პაატა გოგოლაძე და მიიჩნევს, რომ მეტი მუშაობაა საჭირო. „რა შენიშვნებიც წინა ანგარიშის წარმოდგენის დროს მივეცი, არ არის გათვალისწინებული. მათ ჰქონდათ დრო, თუმცა ნაკლებ ვერ გამოასწორეს. დღეს სრული პასუხისმგებლობით ვაცხადებ, რომ შეეცადი, როცა წინა მოსმენისას სამსახურის საქ-

მიანობა დადებითად შეეფასა,“ - განაცხადა პაატა გოგოლაძემ. ფრაქციის - „ძალა ერთობაშია“ თავმჯდომარის მოადგილის, ქეთევან ზუმბაძის, თქმით, ის არგუმენტები და შენიშვნები, რის გამოც დეპუტატები სამსახურის ანგარიშს უარყოფითად აფასებენ, არც წლები წინ იყო გათვალისწინებული და დღევანდელი კრიტიკა პიროვნული დამოკიდებულებითაა გამოწვეული. დეპუტატმა აქვე დასძინა, რომ გასულ წლებში არც ინვენტარიზაცია ჩატარებულა და არც ეკონომიკური განვითარების გეგმა ყოფილა, თუმცა იგივე დეპუტატები დადებითად აფასებდნენ აღნიშნული სამსახურის საქმიანობას.

დადებითად შეაფასა სამსახურის საქმიანობა ფარცხანლის მაჟორიტარმა დეპუტატმა მიხეილ ჭიპაშვილმა. მისივე განმარტებით, ეკონომიკისა და ქონების მართვის სამსახურმა გარკვეულ საკითხებზე მუშაობა დაიწყო და შედეგი რომ ვნახოთ, საჭიროა, მივეცი დრო. ჭიპაშვილის განცხადებით, თუ წლიური ანგარიშის წარდგენისას არ იქნება

შენიშვნები გათვალისწინებული, მაშინ თვითონაც საკმაოდ კრიტიკული იქნება. საკრებულოს მორიგ სხდომას 29 დეპუტატი ესწრებოდა. აქედან მერიის ეკონომიკისა და ქონების მართვის სამსახურის მუშაობა უარყოფითად აფასებდა დეპუტატმა (მანანა ბარბაქაძემ, ვარლამ ჭიპაშვილმა, პაატა გოგოლაძემ, ოთარ ლურსმანაშვილმა, აკაკი ლურსმანაშვილმა, შალვა ლურსმანაშვილმა, გივი თხელიძემ, დავით კიკნაძემ, მარინე ხვედელიძემ, ია პაქსაშვილმა, ეკა შველიძემ, ბესო ტალახაძემ, დოდო ხაჩიძემ, ლადო ტალახაძემ, ზურაბ ხაჩიძემ, ლენა აბაშიძემ, ირაკლი ფერაძემ, იულონ კოპაძემ და მალხაზ ფხალაძემ) შეაფასა.

დადებითად შეაფასა: რუსუდან გიორგაძემ, ქეთევან ზუმბაძემ, ნიკოლოზ მალრაძემ, აკაკი მაჭავარიანმა, დავით მალაფერიძემ და მიხეილ ჭიპაშვილმა. თავი შეიკავეს: ნონა ზურაბიანმა, თორნიკე ავალიშვილმა და თემურ ფცქალიაძემ.

თამარ მალრაძე

სარგავულის მუნიციპალიტეტის გზის რეაბილიტაციის პროექტის ფარგლებში

ვერტეკვიჭალაში, ბლიაძეებისა და გოგიაშვილების უბანში, გზის სარეაბილიტაციო სამუშაოები მიმდინარეობს. პროექტის ფარგლებში რეაბილიტაცია ჩატარდება 1300 - მეტრიან მონაკვეთს, რისთვისაც 151 068 ლარი დაიხარჯება. სამუშაოებს ტენდერში გამარჯვებული კომპანია შპს „ბილდერი-2018“ ასრულებს.

გზის სარეაბილიტაციო სამუშაოები აქტიურად მიმდინარეობს ასევე სოფელ ხიდარში, ჯორჯბუღის უბანში. პროექტის ფარგლებში გზის 1 200

მეტრიანი მონაკვეთი რეაბილიტირდება, რომელიც ჯორჯბუღის უბნის ბოლო მოსახლემდე მივა.

აღნიშნული გზით 50-მდე ოჯახი ისარგებლებს. სამუშაოების ღირებულება 151 932 ლარს შეადგენს და კომპანია შპს „გურია-2015“ ასრულებს.

მუნიციპალიტეტის მერმა ხელი მოაწერა ასევე შპს „ჭედა-2012-თან“ და შპს „ალპედესთან“ გაფორმებულ ხელშეკრულებებს, რომლებიც ფარგლებში (ბარის უბანში) და ისლარში

უზრუნველყოფენ გზების რეაბილიტაციას.

გზის 1 კმ-მდე მონაკვეთის კაპიტალური შეკეთება იგეგმება ლუდუშეთშიც. გაფორმდა ხელშეკრულება ტენდერში გამარჯვებულ კომპანია შპს „გურია-2015-თან“, რომელიც ცენტრალური გზის 1 კმ-მდე ამორტიზებულ მონაკვეთს ჩაუტარებს კაპიტალურ რეაბილიტაციას.

პროექტს რეგიონული განვითარების ფონდი 78 394 ლარით დააფინანსებს.

აქცია - „თბილი ხელები“

სარგავულის მუნიციპალიტეტში სოციალური აქცია - „თბილი ხელები“ მოეწყო. აქცია გენდერული თანასწორობის საბჭოსა და მისი წევრის, გიორგი მუხურაძის, ორგანიზებით გაიმართა, რომლის ფარგლებშიც გენდერული საბჭოს წევრებმა შეარგვეს ტანსაცმელი სხვადასხვა ასაკის ადამიანებისათვის, რომლებსაც ესაჭიროებათ დახმარება.

ტანსაცმელი კინოთეატრის შესასვლელში გამოიფინა და ყველასათვის ხელმისაწვდომია.

აქციის ორგანიზატორების თქმით, მსგავსი ღონისძიებები პერმანენტულად მიმდინარეობს.



ნეტულ ხასიათს მიიღებს და თხოვნით მიმართავენ მუნიციპალიტეტის მცხოვრებლებს აქციაში აქტიურად ჩართვისაკენ.



საქართველოს პედაგოგთა და მეცნიერთა თავისუფალი პროფესიული კავშირი ის მნიშვნელოვანი ორგანიზაციაა, რომელიც მუდამ მზადაა, სხვადასხვა საშუალებით უახლესი ინფორმაცია მიანდოს ამ სფეროში მოღვაწე ყველა პიროვნებას, საჭირო შემთხვევაში ქმედითი დახმარება აღმოუჩინოს და იზრუნოს ქვეყნის საიმედო მომავლის გასაძლიერებლად.

რასაკვირველია, ამ თვალსაზრისით ბევრი რამაა დამოკიდებული ძირეულ ორგანიზაციებზე. ჩვენდა საბედნიეროდ, ერთ-ერთი ასეთი ძირეული რგოლია სარგავულის რაიონული ორგანიზაცია, რომლის თავმჯდომარეა ქალბატონი ლალი ვაქერ - სებისკვერამძე. ქალბატონი ლალი ვაქერს დახმარებას უზრუნველყოფს სარგავულის საგანმანათლებლო სფეროს მუშაკთა მიერ მის მი-

„ენა მასწავლებელს“

მართ გამოცხადებული ნდობის ფაქტორია, რომ ქალბატონი ლალი დემოკრატიული ნესით უკვე მეოთხედაა არჩეული თავმჯდომარედ.

ოპტიმისტურია ჩვენი რწმენა რესპუბლიკური ორგანიზაციის მიმართ, რომელსაც საქმის მცოდნე, ძალზე ერუდირებული, მაღალი პროფესიონალიზმითა და ადამიანთა მიმართ სიყვარულის გრძნობით გულგაჯერებული ქალბატონი მია კობახიძე ლიდერობს.

ინტერესთან შერწყმულმა პატივისცემამ განსაზღვრა, რომ სარგავულიდან 22 მარტს სამი მიკროავტობუსით გაემგზავრნენ პედაგოგები, საბავშვო ბაღის მუშაკები და სხვა დაინტერესებული პირები ზესტაფონში, სადაც შესაბამისი რაიონული ორგანიზაციის ხელმძღვანელებთან და პედაგოგებთან ერთად საინფორმაციო შინაარსის შეხვედრა შედგა საქართველოს პედაგოგთა და მეცნიერთა თავისუფალი პროფესიული კავშირის პრეზიდენტთან ქალბატონი მია კობახიძესთან და ვიცე პრეზიდენტებთან - მარი ალუღიშვილთან და ნათია კორაძესთან.

შეხვედრას განსაზღვრავდა სლოგანი „ენდე მასწავლებელს!“

პრეზიდენტმა, ქალბატონმა მია კობახიძემ, დანერვილებით, შთამბეჭდავდა და ღრმად შინაარსიანად ისაუბრა საგანმანათლებლო

სისტემაში მიმდინარე რეფორმებთან დაკავშირებით. ძალზე უშუალოდ დაამყარა კონტაქტი მსმენელთან, რასაც მოჰყვა მათი აქტიური ჩართულობა. მიუხედავად იმისა, რომ შეხვედრამ საკმაოდ დიდი დრო მოითხოვა, დაღლილობა არავის უგრძობია.

აღნიშნული წერილის მიზანი სულაც არაა დეტალურად შეაფასოს შეხვედრის მთლიანი სპექტრი.

მინდა, როგორც შეხვედრის ერთ-ერთმა მონაწილემ, მაღლობა გადავხადო ქალბატონ მიას კარგი ქართულისათვის. რამდენადაც ჩემთვის ცნობილია, ის პროფესიით მათემატიკოსია. წლების განმავლობაში დედაქალაქში წარმატებული გზა განვლო, როგორც მათემატიკის ნიჭიერმა პედაგოგმა, მაგრამ აშკარად ჩანს, რომ იგი ასევე ძლიერია, როგორც ორატორი და კარგი მოქართულე.

ქალბატონი მია!

ვსარგებლობ შემთხვევით და გილოცავ ერის ჭეშმარიტ დღესასწაულს - ქართული ენის დღეს! ღმერთმა უმრავლეს ჩვენს მამულს თქვენნაირი პატრიოტები, რომელთა მეტყველებას სრულყოფილად ჩანს ფლობა იმ კანონებისა, რომლითაც ზეობს და მზეობს ენა ქართული!

მერი გიორგიძე

„სოფლის მხარდაჭერის პროგრამის“ ფარგლებში ხარაგაულში 860 000 ლარი დაიხარჯება

„სოფლის მხარდაჭერის პროგრამის“ ფარგლებში დასაფინანსებელი პროექტები ხარაგაულის მუნიციპალიტეტის საკრებულომ დაამტკიცა. პროგრამის ფარგლებში მუნიციპალიტეტს 860 000 ლარი გამოეყო და, საერთო ჯამში, 192 პროექტის განხორციელება დაგეგმილი.

შეგახსენებთ, რომ „სოფლის მხარდაჭერის პროგრამა“ მიმდინარე წელს აღდგა და პროექტების უმრავლესობა წყლის სისტემებისა და საგზაო ინფრასტრუქტურის მოწესრიგებას, ასევე გარე განათების ქსელის მოწყობასა და ნისქვი-



ლების რეაბილიტაციას გულისხმობს.

ალსანიშნავია, რომ მოსახლეობამ წინასწარ წარმოდგენილი საპროექტო წინადადებები სოფლის კრებებზე განიხილა და პრიორიტეტული საკითხები თავად აირჩია, რომელიც, ზოგიერთ შემთხვევაში, ღია, ხოლო ზოგიერთ შემთხვევაში ფარული კენჭისყრით აირჩა.

ხარაგაულში წყლის სისტემას სრული რეაბილიტაცია ჩატარდება

ხარაგაულში წყლის სისტემის რეაბილიტაცია იგეგმება. პროექტის შესაძენად საქართველოს რეგიონული განვითარებისა და ინფრასტრუქტურის სამინისტროს გაერთიანებული წყალმომარაგების კომპანიის მიერ გამოცხადებული ტენდერი უკვე დასრულდა და გამარჯვებულ კომპანიასთან შპს „არქ დიზაინმენტთან“ ხელშეკრულება გაფორმდა.

პროექტის ღირებულებით 180 000 ლარს შეადგენს, რომლის ფარგლებში ლეღვის სათავე ნაგებობიდან სოფელ დიდვაკში, სალანძღესა და დაბა ხარაგაულში შემომავალი წყლის სისტემის მაგისტრალის სრული რეაბილიტაცია იგეგმება. მოხდება ასევე რეზერვუ-

არის მოწყობა, კორპუსების შიდა გაყვანილობის აღდგენა და მოსახლეობა წყალს 24 საათის განმავლობაში მიიღებს.

ხარაგაულში სულ წყლის ორი სათავე ნაგებობაა: ლეღვისა და პატარა ხარაგაულის. ნალექის მოსვლის შემთხვევაში, ლეღვის სათავე ნაგებობაში წყალი იმღვრება, რის გამოც გაერთიანებული წყალმომარაგების კომპანიის ხარაგაულის სერვისცენტრი წყლის მიწოდებას აჩერებს და ეს გარკვეულ პრობლემებს უქმნის მოსახლეობას. მეორე სათავე ნაგებობა ხარაგაულის მუნიციპალიტეტის საკუთრებაშია და ამ წყლით მხოლოდ ახალი საავადმყოფო და მიმდებარე ტერიტორიაზე მცხოვრები მოსახლეობა სარგებლობს.

კალათხურთის ჩემპიონატი მესამე საჯარო სკოლის გუნდმა გაიმარჯვა



ა(ა)იპ „სპორტისა და შიდა ტურიზმის ცენტრი“ (დირექტორი გრიგოლ ჭიბაშვილი) ორგანიზებით, ხარაგაულში საჯარო სკოლებს შორის კალათხურთის ჩემპიონატი ჩატარდა. ჩემპიონატის ფარგლებში სკოლის გუნდები იღებდნენ მონაწილეობას.

ფინალურ შეხვედრაში ერთმანეთს დაბის N3 და ვერტეკვიჭალის საჯარო სკოლის გუნდები დაუპირისპირდნენ, რომელიც N3 სკოლის გუნდის გამარჯვებით დასრულდა.

გამარჯვებული გუნდი სიმბოლური საჩუქრით, ხოლო გუნდის წევრები წამახალისებელი სიგელებით დაჯილდოვდნენ.

სპორტისა და შიდა ტურიზმის ცენტრი კალათხურთის ჩემპიონატის ჩატარებას გოგონებს შორისაც გეგმავს, რომელიც უახლოეს მომავალში გაიმართება.

ვარძის, კიცხის, ვერტეკვიჭალის, დაბის N3, მარელისის, ბორითის, დაბის N2 და ხევის საჯარო სკოლის გუნდები იღებდნენ მონაწილეობას.

ფინალურ შეხვედრაში ერთმანეთს დაბის N3 და ვერტეკვიჭალის საჯარო სკოლის გუნდები დაუპირისპირდნენ, რომელიც N3 სკოლის გუნდის გამარჯვებით დასრულდა.

გამარჯვებული გუნდი სიმბოლური საჩუქრით, ხოლო გუნდის წევრები წამახალისებელი სიგელებით დაჯილდოვდნენ.

სპორტისა და შიდა ტურიზმის ცენტრი კალათხურთის ჩემპიონატის ჩატარებას გოგონებს შორისაც გეგმავს, რომელიც უახლოეს მომავალში გაიმართება.

სპორტის საერთაშორისო დღესთან დაკავშირებით ღვაწლმოსილი პედაგოგები დაჯილდოვდნენ

6 აპრილს სპორტისა და შიდა ტურიზმის ცენტრის დარბაზში (დირექტორი გრიგოლ ჭიბაშვილი) ამავე სახსარისა და მერიის კულტურის სამსახურის ორგანიზებით, სპორტის საერთაშორისო დღისადმი მიძღვნილი ღონისძიება გაიმართა. ღონისძიებაზე მონაწილე იყვნენ სპორტის დამსახურებული პედაგოგები, რომელთა უშუალო ჩართულობით საჩვენებელი შეჯიბრებები გაიმართა.

შეხვედრაზე იმყოფებოდა მერიის მოადგილე თეიმურაზ ჩხეიძე, რომელმაც ღვაწლმოსილ პედაგოგებს ღირსშესანიშნავი დღე მიულოცა და მადლობა გადაუხადა განულოცო საქმიანობისთვის.

როგორც მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა ირინე ჩხეიძემ განმარტა, მსგავსი თარიღების აღნიშვნა მნიშვნელოვანია. მისივე თქმით, ამ ადამიანებმა მომავალი თაობის აღზრდის საქმეში უდიდესი შრომა გასწიეს, რაც ნამდვილად დასაფასებელია.

დასასრულს, მოწვეულ სტუმრებს (ნაზიბოლა სებისკვერამძეს, ჟორა მაჩიტაძეს, ლუტუ



ლონაძეს, ჯამბულ ბანცაძეს, ზაალ მესხს, გიგა ბერაძეს, სოსო აბაშიძეს, თამაზ შარიაძეს, მერაბ იჭიტიძეს, სულეიკო დონაძეს, ზაზა მესხს, კოტე სახვაძეს, ივანე ლონაძეს, ანზორ მალარაძესა და მარლენ გრიგალაშვილს) ორგანიზატორთაგან სიგელები და სიმბოლური საჩუქრები გადაეცათ. ასევე მერიის დაფინანსებით ვეტერანი სპორტსმენებისთვის ალაფურშეთი მოეწყო.

თამარ მალარაძე